



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 444
fax: +387 33 726 423
e-mail: info@voda.ba

Broj: **UP-1/21-3 40-042 -2/24**
Datum: **08.02.2024. godine**

«Agencija za vodno područje rijeke Save», Sarajevo po zahtjevu pravnog lica „POBJEDA TECHNOLOGY“ d.d. Goražde, a vezano za aktivnost privremenog i kontrolisanog ispuštanja tehnoloških otpadnih voda iz pogona za zaštitu metala u proizvodnji sportske, lovačke i privredne municije, izgrađenih u krugu industrijske zone „Pobjeda“, općina Goražde, u ulici Višegradska bb, na osnovu člana 132. i člana 133. Zakona o vodama («Službene novine Federacije BiH», broj 70/06) i člana 270. Zakona o upravnom postupku («Službene novine Federacije BiH», broj 2/98, 49/99, 61/22), donosi:

Nalog

- Pravnom licu „POBJEDA TECHNOLOGY“ d.d. Goražde, odobrava se, privremeno i kontrolirano ispuštanje tehnološke otpadne vode iz pogona za zaštitu metala u proizvodnji sportske, lovačke i privredne municije, izgrađenih u krugu industrijske zone „Pobjeda“, općina Goražde, u ulici Višegradska bb u vremenu kada zajedničko postrojenje za prečišćvanje tehnoloških otpadnih voda (objekat 121) ne radi, na rok od 3 mjeseca-do ugradnje spremnika za prihvata tehnoloških otpadnih voda uz slijedeće uslove:
 - Da se vrši monitoring kvaliteta i kvantiteta otpadnih voda prilikom ispuštanja tehnoloških otpadnih voda putem laboratorije ovlaštene od strane Federalnog ministarstva poljoprivrede, vodoprivrede i šumarstva. U toku ispuštanja tehnoloških otpadnih voda u periodu od tri mjeseca od izdavanja ovog naloga, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24). Rezultate analiza dostaviti ovoj Agenciji.
 - Da se ispuštanje otpadnih voda vrši kontrolisano i na način da uticaj istih na kvalitet podzemnih i površinskih voda bude izražen u što je moguće manjoj mjeri.
 - Korisnik ovog vodnog naloga je u obavezi da imenuje odgovorno stručno lice sa osnovnim zadatkom kontinuiranog nadzora (praćenja i kontrole) nad provođenjem aktivnosti na povremenom ispuštanju otpadnih voda.
 - Da se izbjegavaju „udarna“ ispuštanja kao i ispuštanja u malovodnom periodu.
 - Da formira i vodi knjiga - dnevnik u kome će se registrovati vrijeme i količine ispuštene vode kao i opažanja i aktivnosti u postupku privremenog i kontrolisanog ispuštanja tehnološke otpadne vode.
 - U slučaju opažanja bilo kakvih promjena koje bi imale značajan uticaj na površinske i podzemne vode obustaviti privremeno ispuštanje tehnološke otpadne vode.
- Vlasnik, odnosno korisnik objekta je obavezan voditi propisne evidencije o količini ispuštene vode, te nadležnim organima dostavljati propisane obrasce (Obrazac EBS) u skladu sa Zakonom o vodama («Službene novine Federacije BiH», broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijentata zagađenja za zagađivače voda kod kojih se ne vrše direktna mjerenja voda, tačka 13. i 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
- Ovaj vodni nalog se daje na određeni period od tri mjeseca od izdavanja ovog naloga.
- Ukoliko zbog navedenih aktivnosti dođe do promjene ili poremećaja kvaliteta podzemnih i površinskih voda, korisnik objekta obavezan je izvjestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.

Obrazloženje

Pravno lice, „POBJEDA TECHNOLOGY“ d.d. Goražde, zahtjevom broj: 237/24 od 29.01.2024 godine se obratilo ovoj Agenciji za donošenje rješenja o vodnom nalogu za aktivnost privremenog i kontrolisanog ispuštanja tehnoloških otpadnih voda iz pogona za zaštitu metala u proizvodnji sportske, lovačke i privredne municije, izgrađenih u krugu industrijske zone „Pobjeda“, općina Goražde, u ulici Višegradska bb u vremenu kada zajedničko postrojenje za prečišćavanje tehnoloških otpadnih voda (objekat 121) ne radi, na rok od 3 mjeseca-dó ugradnje spremnika za prihvát tehnoloških otpadnih voda

Uz zahtjev je dostavljena slijedeća dokumentacija:

- Rješenje o izmjenama podataka broj: 045-0-Reg-19-000009 od 04.03.2019 godine izdato od strane Općinskog suda u Goraždu,
- Kopija uplatnice za upravnu taksu u iznosu od 60.00 KM,
- Uvjerenje o poreznoj registraciji od 31.07.2012 godine izdato od strane Kantonalni porezni ured-kopija,
- Uvjerenje o registraciji/upisu u Jedinštveni registar obveznika neizravnih poreza broj: 04/1-17-1-UPJR/1-4117-2/12 od 08.08.2012. godine, izdatog od strane Uprave za indirektno-neizravno oporezivanje Banja Luka

U dostavljenom zahtjevu se navodi da je neophodno odobrenje za ispuštanje tehnoloških otpadnih voda u vremenu kada zajedničko postrojenje za prečišćavanje tehnoloških otpadnih voda (objekat 121) ne radi do nabavke i ugradnje rezervoara za prihvat otpadnih voda.

Ostvarena je tehnička mogućnost priključenja tehnoloških otpadnih voda iz pogona za mehaničku i hemijsku obradu elemenata, pravnih subjekata, „POBJEDA TECHNOLOGY“ d.d. Goražde, na zajedničko postrojenje za prečišćavanje tehnoloških otpadnih voda svih firmi u krugu „Pobjede“ (objekat 121).

Problem koji se pojavio kod zaključivanja Ugovora je to što „POBJEDA-TECHNOLOGY“ Goražde d.d. ima rad organizovan u četverobrigadnom sistemu i isti podrazumijeva rad tokom čitave sedmice u tri smjene dok sa druge strane „POBJEDA RUDET“ Goražde d.d. insistira na prihvatanju tehnoloških otpadnih voda a prilagođeno njihovoj organizaciji rada a to je od ponedjeljka do petka i to u vremenskom intervalu od 07.00 h do 23.00 h.

Kod predmetnog privrednog subjekta je izvršen uviđaj na terenu a po zahtjevu za izdavanje Rješenja o vodnoj dozvoli i tom prilikom se takođe došlo do saznanja o problemu ispuštanja otpadnih voda u vrijeme kaad zajedničko postrojenje za prečišćavanje tehnoloških otpadnih voda (objekat 121) ne radi.

Podnosilac zahtjeva je potpisao Aneks 2 Ugovora u kome je utvrđeno da će priključenje tehnoloških otpadnih voda biti izvršeno na 22.01.2024 godine u vremenskom intervalu od 07.00 h do 23.00 h od ponedjeljka do petka, te subotom i praznicima samo ako je rad u navedenim terminima blagovremeno najavljen.

Za prevazilaženje navedenog problema podnosilac zahtjeva je prihvatio da obezbijedi skladištenje otpadne vode u vremenu kad „POBJEDA RUDET“ Goražde d.d. odnosno zajedničko postrojenje ne radi.

Predviđena je izgradnja nadzemnog rezervoara iznad sistema za odvod tehnološke otpadne vode u koji će se iz podzemnog šahta prepumpavati tehnološka otpadna voda u vremenu kad zajedničko postrojenje za prečišćavanje tehnoloških otpadnih voda (objekat 121) ne radi. Nakon što se stvore uslovi da se otpadna voda šalje prema postrojenju potrebno je predvidjeti ventil na izlaznom priključku spremnika a koji će nakon otvaranja ispuštati otpadnu vodugravitacijskim putem prema postrojenju. Za potrebe povezivanja i korištenja predmetnog spremnika u navedenoj situaciji potrebno je dodatno izvesti šaht sa ugrađenom pumpom (kapacitet prema količini nastanka otpadnih voda) a za prepumpavanje u spremnik. Za navedene aktivnosti podnosiocu zahtjeva je potrebno 3 mjeseca.

Korisnik „POBJEDA-RUDET“ d.d. Goražde će za utvrđeni broj EBS-a prema rezultatima ispitivanja plaćati posebnu vodnu naknadu za zaštitu voda. Na osnovu utvrđenog stepena zagađenja ispuštenih otpadnih voda izraženog preko broja EBS-a nakon priključenja i tretmana otpadnih voda iz pogona za mehaničku i hemijsku obradu elemenata na objektu „121“ pravnih subjekata „POBJEDA-RUDET“ d.d. Goražde, UNIS „GINEX“ d.d. Goražde i „POBJEDA TECHNOLOGY“ Goražde d.d., (ispitivanje urađeno od strane ovlaštene laboratorije) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje IV tačka 29 do 33, („Službene novine Federacije BiH“, broj 92/07, 46/09, 79/11, 88/12 i 03/16).

„POBJEDA TECHNOLOGY“ Goražde d.d. će za vrijeme trajanja vodnog naloga plaćati posebnu vodnu naknadu za zaštitu voda na osnovu evidencije o količini ispuštene vode za dio tehnoloških voda koje se ne dovode i ne tretiraju na zajedničkom postrojenju (objekat „121“).

Na osnovu svega navedenog i zbog činjenice da su nastupile okolnosti koje onemogućavaju ispunjenje svih uslova propisanih navedenom vodnom dozvolom, radi usklađivanja postupanja u skladu sa novonastalim uvjetima, a u skladu sa članom 132. i članom 133. Zakona o vodama («Službene novine Federacije BiH», broj 70/06), u postupku rješavanja predmeta zahtjeva, odlučeno je da se za namjeravanu aktivnost izda novi Nalog.

Za aktivnost privremenog i kontrolisanog ispuštanja tehnoloških otpadnih voda iz pogona za zaštitu metala u proizvodnji sportske, lovačke i privredne municije, izgrađenih u krugu industrijske zone „Pobjeda“, općina Goražde, u ulici Višegradska bb u vremenu kada zajedničko postrojenje za prečišćavanje tehnoloških otpadnih voda (objekat 121) ne radi, tri mjeseca od izdavanja ovog naloga, tačkama 1. do 4. dispozitiva Naloga, propisani su uvjeti u skladu sa članom 132. stav 1. i 2. Zakona o vodama, a u vezi sa članom 13. Uredbe o uslovima ispuštanja otpadnih voda u okoliš i sisteme javne kanalizacije, uslovima pri kojim neće se bitno degradirati kvalitet vode, promijeniti morfologija nizvodnog korita Podhranjenski potok, te štetno uticati na akvatične i poluakvatične ekosisteme na nizvodnom toku Podhranjenskog potoka.


Na osnovu predviđene aktivnosti i na osnovu članova 132. i 133. Zakona o vodama i člana 200 stav 1. Zakona o upravnom postupku, odlučeno je kao u dispozitivu Naloga.

Uputa o pravnom lijeku:

Protiv ovog rješenja može se izjaviti prigovor u roku od 7 dana od dana prijema Rješenja. Prigovor se podnosi neposredno pismeno Agenciji za vodno područje rijeke Save Sarajevo.

Obradivač akta: Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ.



Dostaviti:

- „POBJEDA TECHNOLOGY“ d.d. Goražd, Višegradska bb, Goražde
- FU za inspekcijske poslove, Vodna inspekcija Sarajevo,
- ⊙ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo